

03 FEB 1998

AL-FAYED LAWAT LANGKAWI

LANGKAWI, 3 Feb (Bernama) -- Mohamed Al-Fayed, jutawan kelahiran Mesir yang memiliki gedung membeli belah terkenal Harrods, tiba di sini hari ini untuk lawatan peribadi.

Beliau tiba bersama Datuk Seri Dr Mahathir Mohamad dari Kuala Lumpur.

Ketibaan mereka di Lapangan Terbang Padang Matsirat disambut oleh Menteri Besar Kedah Tan Sri Sanusi Junid dan pegawai-pegawai kerajaan.

Al-Fayed yang diundang oleh Dr Mahathir, dijangka meninjau peluang pelaburan di Malaysia, termasuk di sini, demikian menurut seorang pegawai.

Anaknya Dodi terbunuh bersama Puteri Diana dalam kemalangan satu kemalangan jalan raya di Paris tahun lepas.

Al-Fayed kemudian melawat beberapa tempat menarik di sini bersama-sama Dr Mahathir. Malam ini, Perdana Menteri akan meraikan beliau dalam satu jamuan. -- BERNAMA

NH MAI